

امور تحریریه ایچون فؤاد بکه
وامور اداره ایچون آرتین افندییه
مراجعت اولنور.

— ❧ —

درج اولنمیان اوراق اعاده اولنماز۔
مسکمزہ موافق آثار قبول اولنور۔

مَعَالِيقُ الْمَنَافِقِ

اداره خانہ سی باب عالی جادہ سندھ
۵۲ نومرولی « شرکت مرتبہ »
مطبعہ سیدرہ

— 425 —

استانبول ایچون سنه لکی مطبعه دن
آلفق شرطیله ۴۰ طشره لره پوسته
اجرتیله برابر ۶۰ غروشدر.

نسخه سی ۱ غروش

پنجشنبہ کوئٹہ نشر اول نور ادبی، فنی و صناعی غزتہ در

نسخه سی ۱ : غروش

« شمعی به قدر استماع ایتدیکم و یا بالذات
« مدافعه ایله دیکم (طلاق دعوالری) نه
« استناداً -- عمر مده برنجی دفعه اولق
« اوزره !... -- بوکون غایت مختصر صو-
« رتده بمض شی سویله مک ایستهرم : آو-
« روپاده طلاق دعوالری، علی الاکثر، زوجک
« زوجده سنه قارشى ابراز ایتدیکی محبت
« شدیده دن ایلری کلیر. برازدواجک ابتدا-
« لرنده زوج زوجده سنه پرستش ایدرجه سنه
« اظهار محبت ایدر و بو محبت زوجده مامشات
« ایلر سه زوجک عاقبت، کویه ریز ندامت
« اوله جغه شبهه ایتیکز !... »

« طائفه نسا فطره حساسدر. کنیدیسی
مفتونانه سون کیسه به قارشى حرمت و رعایتی
محافظه ایده جک درجه ده صاحبه ادراک
دکلدر. ابراز مفتونیت ایدلیدیکی کورنجه
الندن کلیدیکی قدر اذایه قالدیشیر. قادینک
ابتدا کوستردیکی روی مامشاته صاقین قایلایکز.
او مسعودیت !... طوی طوی آتی آی دوام
ایدر. آتی آیدن صوکره اوصانیر. درجه
نفوذنی تجربه ایچون برازده استغنا، جفا
ایدر؛ نفوذ و اقتدارینک غیر محدود اولدینی
اکلا نیجه سوء استعماله باشلار : زوجنی الینه
آلیده فیریلداق کبی چویرر؛ هر آرزوسنی،
هر امنی اجرا ایتک ایستر. شو جور و جفاده
انجق بر آی قدر دوام ایدر. نهایت بوندن ده
اوصانه رق موداسی کچمش بر شایقه کبی زوجی
ایسته مه مکه قالدیشیر ! »

شو سوزلری ترجمه ایتدیکمز غرته نک
محوری دیورکه :

— « محبتک تمادی ایده جکنه پک اعتماد
ایتمه ملی، چونکه مرور زمانله هر شی فناپذیر
اولور. مع مافیه، محبت حقیقیه — هانکی
طرفدن اولور ایسه اولسون — اوله بر رایحه
روح پرور شفقت بر اقریکه اورایحه تعطیر
میشامدن هیچ بر وقت خالی قالماز. »

محبتک هانکی طرفدن اوله سی
مرحدر ؟

بو سوآله جواب صواب اعطاسی
زوحینک مزاجی، اخلاقی، پیش نظر دفته
آلغفه متوقف ایسه ده اک معقول بر فکر
(ماده وازل بی لونه ت) ک فکریدر، باقکر
مومی الیه نه دیور :

— « قادین شوخ مشرب و یا هوسانه
تابع ایسه زوجک محبتی جلبه چالیشمالی ؛
عاقله، فاضله ایسه وظیفه پرستش زوج
عانددر. »

« قادینلر ده مشهور من اولان احوال
معروضه نابجا احتمالک طائفه نسا فطری
اولان فکر مخالفیدن انبعاث ایدر. اوله
قادینلر واردرکه آرقه لرندن قوشسه کز سزه
نظر استخفاف ایله باقارلر. نظر استخفاف
ایله باقسه کز اعلان عشق و محبت ایدرلر !... »
بر فاضله نک شو حقلی سوزلری ده
مطالعه بیورکر :

« ابتدا زوجده درجه نه ایده محبت ایدردم.
زوجم، شو محبت به بر محبوبیت سوسی ویره رک
بکا درلودرلو اذیتلر ایتکه باشلادی. الحاله
هذه پک بد بختانه امرار حیات ایتکده می !
حالم دن هیچ کیسه به شکایت ایتدم و ایتدم ده.
لکن طانیدیغم قیزلره شو نصیحتی ویریم :
« قیزلر ! سزى سونه واریکز. واردیغکر
آدم ابتدا خوشکزه کیتمه بیله براز صوکره
آرا کرده کوزل بر محبت حاصل اوله جغه
شبهه ایتیکز. نصیحتی دیکلر سه کز بختیار-
لغکر عمرکزک صوکنه قدر دوام ایدر. »

— — — — —

مدنیت اسلامیة

(مابعد)

از هاردن یا سمین، مائی و صاری کل،
بیاض و قرمزى قاملیا هپ عربلر واسطه-
سیله اوروپایه ادخال اولدینی کبی برنج

هندستان، مصر، سچیلیا، اسپانیا طریقله
اوروپایه کیرمش؛ شکر قامشی آناتولی
واندلسدن نقل ایدلمش؛ طوب آغاجی
اسپانیا و سچیلیا هواسیله امتزاج ایتدیرلمش؛
وزعفران، کنویر ایله اثماردن پورتقال
قایصی، آغاج قاوئی واشجاردن خرما آغاجی
وقوش قونماز، آنکنار، فاصولیه و بوکا مائل
دیگر نباتات عمومأ ممالک اسلامیه دن اقطار
غریبه به تحویل ایدلمشدر. اوروپالیر چینک
چایى مسلمانلر سایه سنده ایچمشلردر.

بهر سفید سواحلی کبی قوراق
و صیاق نواحیده ثروت ترابیه نک
صولرک حسن استعمالنه منوط اولدینی
مسلم اولغله اعصار میدیده دن بری بو
حقیقته مطلع بولنان عراق و مصر سکنه سی
صولرک زیر زمینلره مفروش مجرالری
منزعه لره چویره رک غایت منتظم بر اصول اروا
احداث ایتش اولدقلرندن صوکره دن قطعات
مذکوره دولت اسلامیه نک زیرلوی تصرفه
کچدکده ینه اصول مستحسنه مزبوره به امتثال
ایدلمکله برابر پک چوق قیولر حفر و قناللر
انشا اولمشدر. شرقده، (منصور) قافله
حجاجک کذرکاهی اولان طریق متعده قیولر
ایله تجهیز ایتش و هارون الرشیدک زوجه سی
(زبیده) ۱،۷۰۰،۰۰۰ دینار صرفیه مکده
بریکار کشادایتدیرمشدر. خلفای راشدین
دورنده مصر اوزرینه سوق اولنان عسکرک
قوماندانلغنده بولنوب مملکت مزبوره یی
قم ایدن (عمرو) مصرده اصلاحات اجرا
ایتدیکی ائنده خاصه نیل قناللرینک تعمیر
و توسیعنه حصر دقت ایتش و صوکره دن
تخت مصره جالس اولان (فاطمیون) سلا-
له سی ده آثار سلفه اقتفاء بو بایده مساعی
موفوره و هم مزبوره ابراز ایله مشلردر.

صنایعه اولاره ضربتدری — اصول
زراعتده اولدینی کبی عربلرک قواعد صنایع
عیه سی ده شرقدن مقتبس اولوب یالکز

اجراسنه لزوم کوریلن ممالکک اصول و عاداتنه توفیق ایدلمشدر. صنایع اسلامیة باشلیجه موادینک مکملیتی، صنعتک نفاسقی، شکنک نظافتی ایله ممتاز معمولاته منحصر بولور ایدی. ایران، اسپانیا، سچیلیا و آفریقاده عربلر معادن و طاش اوجاقلری اخراج ایدرلر و مرمر کسوب یونتمق، ادوات معدنییه نقوش ایله تزین ایدرک جلاویرمک و هر نوع معدنی آلات عادیه اعمالنده قوللانق اصولنی بیلورلر ایدی.

خیلی مدتدنبری (یمن) و (بصره) ده مشهور سلاح فابریقلری موجود اولدینی کبی (سنام) ده چلیک یاپیلور واسپانیانک (تولد) شهرنده عسکره پک چوق ثقلت ویریه جک صورتده حملی غایت آسان اسلحه تدافیه، بیچاق دیرلری، مغفرلر، زرهار اعمال ایدیلور ایدی.

یاسیلان سلاحلر اویمهلر ایله مزین و قلیچلرک قبضهلری احجار ذیقیت ایله مکمل اولوب دیرلری آلتون و کوش قاقلش شیرلیدی. کاسلر، ابریقار، تپسیر، ماصدر و سائر آوانی مختلفه کوش، باقر و تونجیدن اعمال اولنور و اویمه ایشلهلرله ترسیم ایدیلور ایدی. کلید، آناختار، آصمه کلید نوعندن اوله رق یاسیلان عادی چیلینکیر ادواتی بیلر مکمل مواد صنعیدن عد ایدلمک شایاندر. صدف و فیل دیشی قاقمه مواد خشبیه ده دخی عین ظرافت و نفاست مشهود اولور. اسپانیاده ایران صنعتنه امثالاً میناکاری چینلر و مطلقاً ظریفلر اعمال اولنور ایدی. بغداد، مصر و سوریه ده متعدد شیشه فابریقلری تأسیس اولنور بورلردن چیقان صنعی اینجولر و مذهب قابلر ممالک سارنده پک بیوک رغبته مظهر اولور ایدی.

جواهرچیلک صنعتنه کلنجه، الله بولنان پک چوق آثار نفیسه بو حرقنک عالم اسلام

میتده نه مرتبه ترقی ایتدیکنه برشاهد عادلر. اسلام ارباب صناعی احجار ثمنیهی یونته رق سطحلرینه خطوط و اشکال حک ایتمه سنی، قیا بللوری استعمالنی بیلرلر و اونجی عصر میلادیده اعمال اولنوب الیوم (لور) موزه خانه سنده محفوظ بولنان آوانی طرزنده پک مکمل مصنوعات موقع فعله چیقارلر ایدی. خطه اسلامیة نك شرق و غربنده یون، کتان، پاموق، کچی و دوه توی، ایپک و صرمه نسج اولنور و شامده قالیجه، قدیفه و اقشقه حریرییه اعمال اولنور ایدی. حتی بو کون اوروپا امتعه سی میاننده داماسقو دنیلان قاش مقدما دمشقه طوقوتان قاشک تقلیدیدر. موصله دخی اینجه قاشلر نسج اولنور ایدی که الیوم فرانسه زجه ده بونوع منسوجاته ویریلن مرسلین (Mousseline) اسمی بوندن ایلری کلشدر. اون برنجی عصر میلادی به مصادف اولان زمانلرده ایکیچیلک صنعتیه اسپانیاده تعیش ایدن بلاد و قصبات آلتی یوزه بالغ اولور ایدی. عربلرک بویا جلیق، دباغلق، قوندره جلیق و سراجلق صنعتلرنده نظیرلری اولمادینی کبی (قوردو) ده اعمال ایدلمکده اولان مشینلرک شهرتی آفاقیر اولمش ایدی. ایام مذکورده ایران، بغداد و اسپانیاده شکر، مشروبات و عطریات اعمال ایدیلور ایدی. کاغد اعمالی عربلر واسطه سیله اوروپایه انتقال ایتمشدر. هجرتک ایلک عصرلرنده چین حکومتنه همجوار اولان (سمرقند) ده متعدد کاغد فابریقلری موجود اولوب ایپکدن اعمال اولنان کاغدلر آسیانک هریر جهته سوق اولنور ایدی. سمرقنددن سوکره ایکنجی درجه ده کاغد جلیق صنعتیه کسب اشتهار ایدن بغداد شهریدر. بر مدت سوکره اسپانیاده دخی کنویر و کتاندن کاغد یانلغه باشلامشدر.

ملل اسلامیة نك تجارتلری — سلطنت

اسلامیه نك اقسام مختلفه سی بیننده جریان ایدن مبادلات بر مهم تجارت تشکیل ایده جک درجه ده وسعتلی ایدی. ذاتاً ممالک اسلامیة وضعیت طبیعیسی جهتیله اقصادی شرق ایله آفریقا نواحیسی و اوروپا الکاسی بیننده نقلیات مرکزی صاییلور ایدی. تجارت مسلکی مسلمانلر بیننده بر مشغله مرغوبه عد اولنور ایدی. حضرت فخر کائنات (علیه افضل الصلوات) افسدیمزک بالذات اتخاذ بیورمش اولدقلری بو مسلک انظار عمومده حائز شرف و اعتبار ایدی.

ممالک اسلامیة نك هریر شهرنده وسیع مغازه لر و دده بولردن مرکب بر چارشو بولنور واهالی اجرای معاملات و پیاسه فیئاتلرینی تعیین ایتک ایچون اوراده اجتماع ایدرایدی. قوه بحریه اسلامیة نك بحر سفید، بحر محیط هندی و بحر حزر سواحلی کشت و کذار ایدرک معمولات داخلیه سنه متعدد مخرجلر بوله جق قدر سطوت و اقتداری وار ایدی. دکلرده اجرا اولنان سیاحتلر ایله برابر قره دن دخی پک چوق قافله لر اقالیم بعیدیه اجرای سفر ایدرک مصنوعات خارجیهی بلاد اسلامیة به نقل ایدرلر ایدی. اک زیاده مرکز مواردات اولان شهرلر بصره، عدن، اسکندریه، طانجه، مالایا و بارسلون ایدی. بغداددن حرکت ایدن کاروانلرک بر قسمی شام، مکه، بصره، طبرزون و سمرقند جهتلرینه اعزام اولنور، بر قسمی ده آفریقا و مغرب سمتلرینه سوق ایدیلور ایدی. طرابلس و فاس جهتلرندن حرکت ایدن قافله لر سیاحتلرینی (صحرای کبیر) و (سودان) نواحیسنه قدر تمدید ایدرلر ایدی.

(مابعدی وار)